

ხელშეკრულება საქონლის შესყიდვის შესახებ #60-7-122-521

ქ. თბილისი

10 აგვისტო, 2022 წ.

1. მხარეები

წინამდებარე ხელშეკრულება დადებულია 2022 წლის 10 აგვისტოს, ერთი მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი მისი გენერალური დირექტორის გიორგი გიგინეიშვილის სახით და მეორეს მხრივ შპს „ნიკანი“ (შემდგომში „მიმწოდებელი“), წარმოდგენილი მისი დირექტორის გია ართმელაძის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

2. ხელშეკრულების საგანი

- 2.1. „მიმწოდებელი“ ვალდებულია მიაწოდოს „შემსყიდველს“ **ინდივიდუალური დამცავი საშუალებები (სპეციალური აღჭურვილობა) (CPV-18100000; CPV-18140000)** წინამდებარე ხელშეკრულების, მისი დანართი №1-ის (ფასების ცხრილი) და დანართი №2-ის (ტექნიკური სპეციფიკაცია) შესაბამისად;
- 2.2. დანართი №1 და დანართი №2 წარმოადგენს წინამდებარე ხელშეკრულების განუყოფელ ნაწილს;
- 2.3. წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად.

3. საქონლის ღირებულება და ანგარიშსწორების პირობები

- 3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს **23,352.20 (ოცდასამი ათას სამას ორმოცდათორმეტი ლარი და 20 თეთრი) ლარს დღგ-ს ჩათვლით**. (შემდგომში – „ხელშეკრულების ღირებულება“);
- 3.2. ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე, საბოლოო მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ არაუგვიანეს 8 (რვა) სამუშაო დღის განმავლობაში;
- 3.3. მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოსწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნებას ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;
- 3.4. იმ შემთხვევაში თუ ხელშეკრულების მიმდინარეობისას მიმწოდებლის მიერ მოთხოვნილი იქნა საავანსო გადახდა, შემსყიდველი მიმწოდებელს უხდის საავანსო თანხას (სახელშეკრულებო ღირებულების არაუმეტეს 30%) მიმწოდებლის მხრიდან შესაბამისი ოდენობის უპირობო და გამოუთხოვადი საავანსო-საბანკო გარანტიის შემსყიდველ ორგანიზაციაში მატერიალური სახით წარმოდგენის შემთხვევაში, საავანსო-საბანკო გარანტიის წარმოდგენიდან 5 (ხუთი) სამუშაო დღის განმავლობაში; უპირობო და გამოუთხოვადი საავანსო-საბანკო გარანტიის შესაბამისი ანგარიშფაქტურა წარმოდგენილი უნდა იყოს ავანსის გადახდიდან 2 (ორი) სამუშაო დღეში. საავანსო-საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით.
- 3.5. უპირობო და გამოუთხოვადი საავანსო-საბანკო გარანტია წარმოდგენილი უნდა იყოს ქართულ ენაზე. უცხო ენაზე წარმოდგენის შემთხვევაში, თან უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე (დამოწმებული ნოტარიულად ან აპოსტილით);
- 3.6. უპირობო და გამოუთხოვადი საავანსო-საბანკო გარანტია წარმოდგენილი უნდა იყოს, საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი და/ან ბეჭედდასმული;
- 3.7. ავანსად გაცემული თანხა ჩაითვლება საბოლოო ანგარიშსწორებისას.
- 3.8. ანგარიშსწორება განხორციელდება ლარში, უნაღდო ანგარიშსწორების ფორმით.

4. საქონლის მიწოდების ვადა და ადგილი

- 4.1. საქონლის მიწოდებამდე არანაკლებ 2 (ორი) დღით ადრე, „მიმწოდებელმა“ საკონტაქტო პირის მეშვეობით უნდა აცნობოს „შემსყიდველს“ და შეათანხმოს საქონლის მიწოდება;
- 4.2. „მიმწოდებელი“ ვალდებულია გადასცეს „შემსყიდველს“ ნივთობრივი და უფლებრივი ნაკლისაგან თავისუფალი, ექსპლუატაციაში არ მყოფი (არ უნდა იყოს აღდგენილი და მეორადი) საქონელი DAP საქართველო, (Incoterms 2020) პირობით, ხელშეკრულების გაფორმებიდან არაუმეტეს 60 (სამოცი) კალენდარული დღის განმავლობაში;

- 4.3 „მიმწოდებელი“ ვალდებულია საქონლის მიწოდება უზრუნველყოს ტრანსპორტირების ხარჯების გათვალისწინებით, შემდეგ მისამართზე: ქ. თბილისი ქინძმარაულის ქუჩა N29, სსე-ს მატერიალურ-ტექნიკური ბაზა;
- 4.4 საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს;

5. მხარეთა უფლება-მოვალეობები

- 5.1 „მიმწოდებელი“ ვალდებულია:
- 5.1.1 საქონლის მოწოდება უნდა განხორციელდეს წინამდებარე ხელშეკრულების, დანართი №1-ის (ფასების ცხრილი) და დანართი №2-ის (ტექნიკური სპეციფიკაცია) შესაბამისად;
- 5.1.2 დანართი N1 - ფასების ცხრილის თითოეული პოზიციით მოწოდებულ საქონელს თან უნდა ახლდეს ხარისხისა და ტექნიკურ სპეციფიკაციაში მითითებული აღწერილობის დამადასტურებელი დოკუმენტი, ქართულ ან/და ინგლისურ ენაზე.
- 5.2 „შემსყიდველი“ ვალდებულია:
- 5.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;
- 5.2.2 შეამოწმოს საქონლის მდგომარეობა ვარგისიანობაზე;
- 5.2.3 წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

6. შენახვა

- 6.1 „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს;
- 6.2 შესაბამისი ექსპლუატაციის პირობებში „მიმწოდებლის“ მიერ დანართი N1 - ფასების ცხრილის პირველ, მე-2, მე-4, მე-5 და მე-6 პოზიციებით მოწოდებული საქონლის შენახვის ვადა: 12 (თორმეტი) თვე მიღება-ჩაბარების აქტის გაფორმების დღიდან.
- 6.3 შენახვის პირობებით განსაზღვრული მოთხოვნები, ძალაშია მთელი შენახვის ვადის განმავლობაში, მიუხედავად ხელშეკრულების მოქმედების ვადის ამოწურვისა;
- 6.4 შენახვის ვადის განმავლობაში გამოვლენილი რაიმე ხარვეზის ან შეუსაბამობის შემთხვევაში, მიმწოდებელი ვალდებულია საკუთარი ხარჯებით უზრუნველყოს საქონელზე გამოვლენილი ნაკლის/ხარვეზის აღმოფხვრა შემსყიდველის მიერ განსაზღვრულ გონივრულ ვადაში, მაგრამ წერილობითი შეტყობინების მიღებიდან არაუმეტეს 30 (ოცდაათი) კალენდარული დღის განმავლობაში, ან წუნდებული საქონლის შეცვლა, შემსყიდველის მიერ განსაზღვრულ გონივრულ ვადაში, მაგრამ წერილობითი შეტყობინების მიღებიდან არაუმეტეს 60 (სამოცი) კალენდარული დღის განმავლობაში, შემსყიდველის მხრიდან დამატებითი დანახარჯების გაწევის გარეშე;
- 6.5 წუნის/ხარვეზის/დეფექტის/გაუმართაობის შემთხვევაში საქონლის ტრანსპორტირება უნდა უზრუნველყოს მიმწოდებელმა.

7. ხელშეკრულების შესრულების კონტროლი

- 7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე;
- 7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა;
- 7.3 „შემსყიდველის“ მხრიდან ხელშეკრულების შესრულებაზე კონტროლს ახორციელებენ სს „საქართველოს სახელმწიფო ელექტროსისტემის“ ტექნიკური უსაფრთხოების და ინსპექციის სამსახურის უფროსი ინჟინერი უსაფრთხოების საკითხებში **ვაჟა კომუნაძე** და ტექნიკური უსაფრთხოების და ინსპექციის სამსახურის უფროსი ინჟინერი **ლელა ჯინჭველიშვილი**;
- 7.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

8. შესყიდვის ობიექტის მიღება-ჩაბარების წესი

- 8.1 მიღება-ჩაბარების აქტი ფორმდება საბოლოოდ, სრულად ან/და მიწოდების დასრულებისას ფაქტიურად მოწოდებული საქონლის მიხედვით;

8.2 შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირი არის დირექტორთა საბჭოს შესაბამისი წევრი ან / და შესაბამისი დეპარტამენტის უფროსი;

8.3 საქონლის მოწოდებისას „შემსყიდველის“ მიერ წინამდებარე ხელშეკრულების მე-7 მუხლის 7.3 პუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან. ხარვეზების (წუნდების) არ არსებობის შემთხვევაში „შემსყიდველსა“ და „მიმწოდებელს“ შორის ფორმდება მიღება-ჩაბარების აქტი ფაქტიურად მიღებული საქონლის მიხედვით;

8.4 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

9. მხარეთა პასუხისმგებლობა

9.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ გადაგადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

9.2 ამ მუხლის 9.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს შენახვის პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საქონლის შენახვის პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

9.3 „შემსყიდველის“ მიერ ხელშეკრულებით გათვალისწინებული საქონლის ღირებულების გადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცვილებულ დღეზე, წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება;

9.4 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 4%-ის ოდენობით;

9.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას;

9.6 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 9.3 პუნქტით გათვალისწინებული პირგასამტეხლოს დარიცხვის საფუძველი.

10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს

გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. ურთიერთობა მხარეებს შორის

11.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით;

11.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიანდგება;

11.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

12. ხელშეკრულების პირობების შეცვლა და/ან ვადამდე მოშლა

12.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე;

12.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;

12.3 ხელშეკრულება შეიძლება ვადამდე მოიშალოს:

12.3.1 მხარეთა შეთანხმებით;

12.3.2 ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

12.4 „შემსყიდველს“ შეუძლია ხელშეკრულება ვადამდე შეწყვიტოს:

12.4.1 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.4.2 „მიმწოდებლის“ გაკოტრების შემთხვევაში;

12.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს „შემსყიდველის“ მხრიდან ნდობის დაკარგვის საფუძველს.

12.4.4 საქართველოს კანონმდებლობით გათვალისწინებულ სხვა შემთხვევებში.

12.5 ამ მუხლის 12.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14. დავის განხილვა

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;

14.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

15. ხელშეკრულების მოქმედების ვადები

15.1 ხელშეკრულება ძალაში შედის მხარეთა მიერ ხელმოწერისთანავე;

15.2 ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს **2022 წლის 30 ნოემბრის ჩათვლით**, ხოლო საქონლის შენახვის ვადის ვალდებულებების ნაწილში, შენახვის ვადის ბოლომდე.

16. ხელშეკრულების სხვა პირობები

16.1 ხელშეკრულება შედგენილია ქართულ ენაზე;

16.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად;

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე;

17. კონფიდენციალურობა და გაუმჟღავნებლობა

მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

18. მხარეთა რეკვიზიტები

“შემსყიდველი”:

სს „საქართველოს სახელმწიფო ელექტროსისტემა“
ქ. თბილისი, ბარათაშვილის ქ.#2

საიდ. კოდი: 204995176
ს/ს „თბილისი ბანკი“
ბანკის კოდი: TBCBGE22
ანგარიშის №GE02TB0600000102467636

გიორგი გიგინეიშვილი
გენერალური დირექტორი
ბ.ა

“მიმწოდებელი”:

შპს „ნიკანი“

ქ. თბილისი, პეკინის 1 ჩიხი 3
ტელ. 599 55 66 49
საიდ.კოდი: 405174412
ს/ს „საქართველოს ბანკი“
ბანკის კოდი: BAGAGE22
ანგარიში № GE10BG0000000162622100

გია ართმელაძე
დირექტორი
ბ.ა

დანართი № 1
ფასების ცხრილი:

N	შესყიდვის ობიექტი დასახელება	განზ. ერთეული	რაოდენობა	ერთეულის ღირებულება დღგ-ს ჩათვლით (ლარი)	ჯამური ღირებულება დღგ-ს ჩათვლით (ლარი)
1	2	3	4	5	6
1	ჩაფხუტი ღვედით და დამცავი ეკრანით	ცალი	36	47.20	1,699.20
2	დამცავი ჩაფხუტი	ცალი	170	35.40	6,018.00
3	დამცავი ქაშარი ჩასაჯდომი სტროპით	ცალი	25	247.80	6,195.00
4	სამაშველო მაბლოკირებელი მოწყობილობა (კარაბინი)	ცალი	15	82.60	1,239.00
5	დიელექტრიკული ბოტები	წყვილი	25	82.60	2,065.00
6	დიელექტრიკული ხელთათმანი	წყვილი	40	153.40	6,136.00
მთლიანი ღირებულება დღგ-ს ჩათვლით (ლარი)					23,352.20

„ხელშეკრულების ღირებულება“ შეადგენს 23,352.20 (ოცდასამი ათას სამას ორმოცდათორმეტი ლარი და 20 თეთრი) ლარს დღგ-ს ჩათვლით.

„შემსყიდველი“:

სს „საქართველოს სახელმწიფო ელექტროსისტემა“

გიორგი გიგინეიშვილი
გენერალური დირექტორი
ბ.ა

„მიმწოდებელი“:

შპს „ნიკანი“

გია ართმელაძე
დირექტორი
ბ.ა

დანართი № 2
ტექნიკური სპეციფიკაცია:

N	შესყიდვის ობიექტის დასახელება	შესყიდვის ობიექტის ტექნიკური მახასიათებელი	განზ. ერთეული	რაოდენობა	სავარაუდო ნიმუში
1	ჩაფხუტი ღვედით და დამცავი ეკრანით	ჩაფხუტი, ვენტირილებული, ინტეგრირებადი დამცავი დანამატებთან, მასალა: მაღალი სიმკვრივის პოლიეთილენი(HDPE), სტანდარტთან: EN397:2012+A1:2012 , სახის დამცავი ფარის დამჭერი ალუმინის ჩარჩო ჩაფხუტებზე ინტეგრირებული. სტანდარტის EN 166:2002 შესაბამისობით; სახის დამცავი გამჭვირვალე პოლიკარბონატის ფარი ჩაფხუტის ნებისმიერი სამაგრისთვის. ზომა 40X 20სმ; არის მდგრადი: ელექტრო რკალის, მცირე ზომის(0.86გმ) მყარი ნაწილაკებისა და სითხის შხეფების მიმართ, რომელთა მოძრაობის სიჩქარე 120 მ/წ ნაკლებია. ოპტიკური კლასი 1. შეესაბამება სტანდარტებს: EN 166:2002; EN1731:2007	ცალი	36	
2	დამცავი ჩაფხუტი	დამზადებულია მაღალი სიმტკიცის მქონე პლასტმასისაგან. ელექტროიზოლაცია 440 ვ. ძაბვამდე, ფერი: თეთრი; გამოიყენება მექანიკური, ატმოსფერული დაზიანებისაგან დასაცავად. აღჭურვილია მარეგულირებელი კნოპით, ჩაფხუტის შიდა მხარეს ტექსტილის ღვედებით, საჩრდილობელი რკალური ფორმის.	ცალი	170	
3	დამცავი ქამარი ჩასაჯდომი სტროპით	გამოიყენება როგორც დამცავი საშუალება სიმაღლეზე და მაღლივი სამუშაოების შესრულების დროს, უზრუნველყოფს საჭიერო ეგზე-ზე პერსონალის უსაფრთხო მუშაობას, სასურველი დიზაინი: ელასტიური აღკაზმულობა მხრის და ბარძაყის სამაგრებით და წელის ზოლით, დამზადებული პოლიამიდისგან წყალგაუმტარი საფარით. წელზე და ბარძაყის სამაგრზე შემარბილებელი (დაბეჭილობისაგან დამცავი) ქსოვილით. (იქნება სერთიფიკატი)	ცალი	25	

ელექტრონული ტენდერი (SPA220001775) ინდივიდუალური დამცავი საშუალებების (სპეციალური აღჭურვილობის)
შესყიდვის შესახებ. „მიმწოდებელი“ შპს „ნიკანი“.

4	სამაშველო მაბლოკირებელი მოწყობილობა (კარაბინი)	ორმხრიანი (ორმაგი) მაბლოკირებელი ლი ამორტიზატორიანი სამაშველო მოწყობილობა, პოლიამიდის ლენტით, მაბლოკირებელი თვითჩამკეტი თოკის სიგრძე 1,5 მეტრი, კაუჩის ენის მაქსიმალური გახსნის ზომა - 150 მმ. (იქნება სერთიფიკატით)	ცალი	15	
5	დieleქტრიკული ბოტები	გამოიყენება როგორც ძირითადი დამცავი საშუალება ელ. დანადგარებში პერსონალის ელ. დენით დაშავებისაგან დაცვა ელექტრული დარტყმისგან 6000 ვ-მდე და დამატებითი დაცვისთვის ზემოთ 6000 ვ მასალა: ნატურალური კაუჩუკი, არ სრიალა და ცვეთა მდგრადი	წყვილი	25	
6	დieleქტრიკული ხელთათმანი	რეზინის დieleქტრიკული ხელთათმანი ნაკერის გარეშე, ტესტის ძაბვა: 5000 ვ, სამუშაო ძაბვა: 1000 ვ მანქეტის სტილი: სწორი ფერი: ნარინჯისფერი სიგრძე: 360 მმ, სტანდარტი: ASTM D120	წყვილი	40	

„შემსყიდველი“:

სს „საქართველოს სახელმწიფო
ელექტროსისტემა“

გიორგი გიგინეიშვილი
გენერალური დირექტორი
ბ.ა

„მიმწოდებელი“:

შპს „ნიკანი“

გია ართმელაძე
დირექტორი
ბ.ა